

Avertura da l'exposiziun «OSL – plaschair da leger dapi l'onn 1932»

■ (cp) Els èn in sempverd da la litteratura svizra per uffants e giuvenils: ils carnets da l'Ovra Svizra da Lectura per la Giuventetgna u curtamain carnets OSL. Dapi l'onn 1932 intermediateschan ils carnets lantschads sco cuntrapol a la litteratura triviale che pigliava il surmaun la cultura svizra. Ils passa 2500 ti-tels, stampads adina en il medem format e disponibels dapi intgins onns er sco cudeschs electronics, cumparan en las quatter linguas naziunalas e per part er en englais.

La OSL renda famigliara ad uffants ed a giuvenils la litteratura indigena e texts impurtants da la litteratura mundiala. Cun istorgias captivantas, alarmantas ed emoziunalas e cun carnets tematics interessants porscha ella lecturas nunembli-daihlas sin tut ils sgalims da scola. Per

auturas ed auturs svizzers è la OSL ina plattafurma che trasferescha lur operar er en las autras parts dal pajais.

L'onn 1941, mo paucs onns suent er ch'il rumantsch è vegni declerà quarta lingua naziunala, èn cumparids ils emprims carnets er per rumantsch. «Fats da l'istorgia 1291–1941», ina scrittira patriotica da scleriment per la giuventetgna rumantscha, per vallader e per sur-silvan, sco er «Parevlas engiadinaisas», ina tscherna da paraulas or da la collecziun da Gian Bundi per puter.

La Biblioteca chantunala dal Grischun collecziunescha – tenor sia incarica – «litteratura d'auturas e d'auturs grischuns, sco er litteratura che ha ina relaziun cun il Grischun» e preschenta ina pitschna exposiziun cun carnets OSL rumantschs, talians e tudestgs da quest in-

ventari da las reticas. Mussads vegnan il svilup tematic dals carnets, la paletta da las auturas e dals auturs, la preschient-scha diversifitgada dals idioms, ma er la concepziun tras illustrators da renum.

En il rom da l'occurrenza d'avertura gievgia, ils 5 d'avrigl 2018 a las 18.00 preschenta *Esther Krättli*, la redactura da litteratura dad RTR e la narra da carnets OSL, intgins puncts culminants da l'istorgia rumantscha da la OSL e discuta suent cun la scriptura *Angelika Overath* davart la lavur da quella per la OSL. Il carnet da poesias dad Overath «Corniglias/Alpendohlen» è cumpari l'onn passà sco OSL 2543 ed è daventà en il fratemp gia in hit.

Gievgia, ils 5 d'avrigl 2018 a las 18.00. Biblioteca chantunala dal Grischun, Karlihofplatz, Cuir. Entrada gratuita. Senza annunzia.